



UFÌTZIU VÌGILIS

ORDINÀNTZIA n. 20 de su 03-07-2020

Ogetu: Ordinàntzia po nci cambiai su mercäu de sa cida de sa cenàbara de sa bia Kolbe e Pratzza Martiri della Libertà a su tretu de sa bia Kolbe intra de sa bia Murenu e sa bia Spano movendi de sa dii 10 de su mesi de argiolas de su 2020.

SU RESPONSÀBILI DE SU SERVÌTZIU

Cunsiderau ca su mercäu de sa cida de sa cenàbara tocat de nci ddu cambiai de Pratzza Martiri della Libertà e de sa bia Kolbe a su tretu de sa bia Kolbe intra de sa bia Murenu e sa bia Spano, po mori de sa fiera de s'Artisanau Artisticu de Sardigna;

Biu su regulamentu comunali po sa disciplina de s'atividadì cummerciali in àreas pùblicas de gèneris alimentaris e no alimentaris aprovau cun delibera de C.C. n.12 de su 08/05/2001;

Bida sa Delibera de G.C. n. 127 de su 10.11.2015, innui si sceràt Pratzza Martiri della Libertà, comentì a logu po fai su mercäu de sa cida de sa cenàbara;

Arremonaus is artt. 14-18 de sa L.R. n. 5 de su 18/05/2006, lei de su cummèrciu, e sa delibera de sa Giunta Regionali N. 15/15 de su 19.04.2007 chi narat is diretivas e is critèrius po poni in pràtica is maneras de fai cummèrciu in àrea pùblica, e in mesu a totu is artìculus 9,1 1 e 13 de s'allegau suu;

Biu s'art. 107 de su D.Lgs 18.8.2000 n. 267 chi portat su Testu Ùnicu de is leis asuba de s'ordinamentu de is Entis localis;

Bida sa lei 7.8.1990 n. 241;

ÒRDINAT

De nci cambiai su mercäu de sa cida de sa cenàbara de sa bia Kolbe a Pratzza Martiri della Libertà e in su tretu de sa bia Kolbe, prus a craru in su tretu intra de sa bia Murenu e sa bia Spano movendi de sa dii 10.07.2020•

De istituiri su divietu di trànsitu e sosta in sa bia Kolbe in su tretu intra de sa bia Murenu e sa bia Spano.

DEMANDAT

A s'Ufìtziu Tècnicu de disponi de nci collocai sa sìnnaletica chi pertocat is limitatzionis chi at postu custu provedimentu.

A is Agentis de Politzia Stradali de vigilai po chi si pòngiat beni in pràtica custu provedimentu.

DISPONIT

De fai connosci a totu sa citadinàntzia custu provedimentu collochendì sìnnaletica stradali apostata, e ponendi-ddu 15 diis in s'Albu Pretòriu in lìnìa s e in su situ internet de s'Enti;

PONIT A S'AVÈRTIA

Contras a custu provedimentu s'ammitit ricursu a su Tribunali Amministrativu Regionali de Sardigna aintru su tèrmini de 60 diis cun totu is maneras chi funt in su D.Lgs. 02/07/2010 n. 104, o sinuncas

ricursu straordinàriu a su Presidenti de sa Repùblica aintru de su tèrmini de 120 diis, movendi de sa dii ùrtima de publicatzioni, cunforma a su D.P.R. 24/11/1971 n.1199.

Contras a nci collocai sa sinnalètica s'ammitit ricursu a su Ministeru de is Infrastruturas e Trasportus, cunforma a s'art.37, comma 3, de su C.d.S. in vigori aintru su tèrmini de 60 diis cun totu is maneras chi funt in s'art. 74 de su Regulamentu cosa sua de su C.d.S



Il Responsabile del Servizio

Alessandra Muru

A handwritten signature in black ink, appearing to read "Alessandra Muru", written over a horizontal line.

Mòguru, su 03-07-2020